

Art, energia e movimaint

Eivnas da Sur En (Sent) 15 gün – 28 gün 2009



Ouvras Electricas d'Engiadina



Spassegiada cul trottinet



Parc da suas



Il simposi



Sco l'on passà organisaina eir quista stà las Eivnas da Sur En. Il tema da quist on es art, energia e movimaint.

No invidain a tuot las scoulas, ma eir ad otras gruppas e societats ad ün di d'aventüra e movimaint.

No lain spordscher seguaintas attracziuns:

- **Visita Ouvras Electricas a Pradella**
- **Spassegiada cul trotinet**
- **Parc da suas**
- **Simposi da sculpturs**

Ils visitadurs vegnan manats tras ün percuors cun üna part informativa ed üna part sportiva. La spassegiada lung l'En da Scuol a Sur En spordscha eir diversas pussibilitats per far üna buna marena o per scuvrir las bellas ognas ed ischlas in quista regiun.

Il lö d'inscunter Sur En es fich adattà e spordscha ün ambiaint ideal per üna tala occurrenza. I's po eir far adöver da las ustarias existentas (Val d'Uina e Sper la Punt).

Impustüt las scoulas, ma eir societats ed otras instituziuns sun cordialmaing invidadas da gnir a tadlar, verer e's movantar ün pêr uras a Sur En.

I segua üna pitschna descripziun da las differentas occurrenz:

Ouvas Electricas d'Engiadina



■ KRAFTWERK ▼ WASSERFASSUNG ■ NATIONALPARK

L'aua da nos En cuorra per part tras üna rait da gallarias sotterranas chi mainan pro las differentas centralas e prodüan là, cun agüd da turbinas forza electrica. Illa centrala da Pradella ans pudaina far ün purtret da las Ouvas Electricas d'Engiadina.

Spassegiada cul trottinet

Davent da Scuol giaina cul trottinet vers la centrala da Pradella. Davo tilla avair visitada proseguina sùlla via da god lung l'En fin pro'l campegi a Sur En.



Quia daja la pussibilità da brassar üna liongia o da mangiar e baiver alch i'l restorant Sper la Punt. Davo üna buna marena ed üna posina faina alch pella digestiun.

Parc da suas

Al cumanzamaint da gün es statta l'avertüra dal prüm parc da suas in Engiadina. Vo pudaiwat examinar vos indschegn e vos curaschi süls tschinch differents parcuors chi's rechattan da 2 – 16 meters sur terra. Quia gnivat a savair che sentimaint cha Tarzan vaiva, cur ch'el sigliva da bös-ch a bös-ch. E per far amo daplü impreschiun pudaiwat eir dar il renomnä sbrai AAAUAAUAAUAAA!!!



Simposi da sculpturs

Dürant ils ultims 14 ons es il simposi da sculpturs dvantà ün arrandschamaint ingio chi vegnan realisadas on per on ouvras remarquablas in üna cuntrada stupenda. Daspö 5 ons es quel simposi gnü inrichi dad artists chi lavuran cun crap. I's po eir dir, cha la bella cuntrada inspirescha ils artists da crear ouvras extraordinarias.

No as lain invidar quist on pel giubileum da 15 ons e sperain cha'ls artists hajan eir da spordscher alch fascinant chi plascha a giuven e vegl.



Davo avair passantà ün pêr uras divertentas ed aventüraivlas a Sur En gnivat manats culla posta inavo a Scuol.

In sperond da's pudair spordscher ün di interessant cun art, energia e movimaint as laina invidar cordialmaing a las Eivnas da Sur En 2009.

Gruppa d'interess Sent / Sur En



Stimada magistra, stimà magister

Eir quist on organisaina in gün las Eivnas da Sur En, e quai on culs temas art, energia e movimaint. I'ns fess grond plaschair da pudair bivgnantar eir a Lur classa(s) per far ün gir tras las differentas occurrenz.

Sco ch'Els vezzan sülla broschürina düra üna visita ca. 5-6 uras. I's po però eir visitar be üna part da tuot la sporta p.ex. las Ouvras Electricas, il parc da suas e.u.i. Id es eir pussibel da brassar e mangiar our i'l liber. A Sur En as riva culla posta, cul velo o eir a pè. No sperain sün üna numerusa partecipaziun.

Interessents fan il bain da s'annunzchar cul talun fin las vacanzas da mai.

Per ulteriuras spiegaziuns staina gugent a disposiziun.

Admin. forestala Sent Tel. 081 861 20 61 Nat. 079 413 05 66

www.sent-online.ch mail afscent@bluewin.ch

Cuosts per scolar: tuot la sporta fr. 18.00 (cumprais trottinet, Ouvras Electricas, parc da suas e simposi). Be trottinet fr. 5.00, be parc da suas fr.13.00, Ouvras Electricas e simposi sun grautits.

.....
Talun d'annunzcha

Nom dal (da la) magister(ra)

.....

Adressa cun tel.

.....

Classas e nomer da scolars

.....

(Datas pussiblas 15-19,22-26 gün 09)

Data giavüschada, data da reserva

Urari preferi

.....

.....

Diversas

.....

.....